




ՀԱՅՐԱՊԵՏԱԿԱՆ ՀԱՆԴԻՍԱՎՈՐ ՍՈՒՐԲ ՊԱՏԱՐԱԳ
ԵՎ ԲԱՐՈՋ ՓՐԿՉԻ ՀՐԱՇԱՓԱՌ ՀԱՐՈՒԹՅԱՆ
ՏՈՆԻ ԱՌԹԻՎ

Ապրիլի 8-ին, կիրակի.—Ջատիկ: Յարութիւն Տեառն մերոյ Յիսուսի Բրիստոսի:
Բրիստոսի հրաշափառ Հարության տունը, որ մաս Ջատիկ է կոչվում, քրիստոնեական կրոնի մեծագույն տոներից մեկն է: Յուրաքանչյուր տարի այն մեծ հանդիսությամբ է նշվում Մայր Աթոռում: Նախորդ տարիների համեմատությամբ այս տարի ավելի մեծ թվով ուխտավորներ էին եկել Ս. Էջմիածին:

Առավոտյան ժամը 11-ին Վեհափառ Հայրապետը, եկեղեցական թափորով ու «Հրաշափառ» շարականի երգեցողությամբ, առաջնորդվում է Մայր տաճար՝ Ջատիկական հանդիսավոր պատարագը մատուցելու:

Հայրապետական Ջատիկական պատարագին ներկա էին Գերագույն Հոգևոր Խորհրդի անդամները, հայրենի մտավորականներ, սփյուռքահայ հյուրեր, ուխտավորներ:

Ս. պատարագին ներկա էին մաս Հայկական ՍՍՀ Միանիստրների խորհրդին առ-

ընթեր Հայ Եկեղեցու գործերի խորհրդի նախագահ պրն. Ստեփան Վարդանյանն ու տեղակալ պրն. Ռաֆիկ Զարգարյանը:

Սուրբ պատարագի հոգեպարար երգեցողությունը կատարում է Մայր տաճարի քառամայն երգչախումբը: Երգեցողությանն իր մասնակցությունը բերեց մաս տաղանդաշատ երգչուհի Գոհար Գասպարյանը:

«Հայր մեր»-ից առաջ «Այսօր յարեալ ի մեռելոց փեսայն անմահ և երկնաւոր, քեզ անտիք խնդութեան հարսն ի յերկրէ եկեղեցի» (Ծարական) բնաբանով քարոզ խոսեց Վեհափառ Հայրապետը (տես էջ 3):

Պատարագի ավարտից հետո Վեհափառ Հայրապետը մույն հանդիսավորությամբ առաջնորդվում է Վեհարան՝ իր ճանապարհին օրհնելով հավատացյալների բազմությանը: Վեհարանում եկեղեցական թափորի մասնակիցները աջահամբույրով շնորհավորում են Վեհափառ Հայրապետին Ջատիկական տոնի առթիվ:

«Բրիստոս յարեալ ի մեռելոց». «Օրհնեալ է Յարութիւնն Բրիստոսի»:

